

Հոս կանայք՝ ըստ հին Ղրիմեցոց սովորութեան՝ ծաղկեայ կապաներ կը հագուին, գլուխնին լաշակ կապած, մազերնին ճակատնուն վրայ՝ փերչեմ կամ փերչամ կտրած. ետևի կողմերէն կարգաւ բարակ հիւսուած մազերը մինչ ցգօտի կը հասնին, վզերնին և կուրծքերնին շարք շարք մանր և մեծ ոսկէ դրամք կը զարդարեն: Նոյն ձեւը կը հագնին և աղջկունք, միայն ոյսու տարբերութեամբ որ սոցա հալաւին գոյնը իրենց դիմաց գունին համեմատ՝ աւելի պայծառ և ծաղկալից կը լինին: Ըստ հին իսրայելեան սովորութեան՝ տեսայ Նախիջևանու մէջ՝ որ աղջկունք մեծամեծ սափօրներ ուտելուն վրայ առած՝ ջրհորներէն ջուր կը կրէին, հանգոյն Ռաքելի և Ռեբեկայ: Իսկ մանչեր մեծ և փոքր մինչև ցծունկ բորիկ, կապայ կռնակնին, գօտէպինդ, տրեխնին լաւ զսպած, դաշտի վաստակոց կը պարա պին. լուծ, եզ, վարուցան, կասուլ, կրել, այդոնք են նոցա գործերը:

Չալթըրցիք 'ի մշակութեան գերազանցել են քան զմիւս գիւղացիները. իրինց ցորենը, համեզ է և աճուն քան այլոցը, այնպէս որ՝ 1880 ին Մոսկուայի հանդիսադրութեան (exposition) առաջին մրցանակի արժանի եղած են:

Գիւղիս երէցփոխանն՝ երիցուն հետ 'ի միասին՝ եկեղեցւոյն ձեռագիրքը և արծաթեղէնքը ցոյց տալէն վերջ, ըստ հայկական մարդասէր հիւրամեծարութեան 'ի տուն հրաւիրեց զմեզ: Թէպէտ և այնպիսի զբաղանացօր՝ չէր վայելուչ ծանրութիւն լինել՝ զի գիտէի արդէն որ տնեցիք անպարապ գործի հետ են վաղուան գալու ուխտաւորները հիւրամեծարելու համար, սակայն և այնպէս կարճ միջոց եղաւ մտնել երէցփոխանին տունը: Ինչպէս կը գու-